


# মেইকেই

স্বাধীনতা সংগ্রাম







# মেইকেই

ফাগির কাল্পনিক সংলাপ খানি

প্রবন্ধসমগ্র



পূর্ণিমা লেইরিক লেইসাও  
জ্যোতিনগর গুয়াহাটি-৭৮১০২১

MEIKAI

Some Imaginary Farcical Dialogues In Bishnupriya Manipuri

By Brojendra Kumar Sinha

Copyright : Author

মলাটির শিল্পীগ

শ্রীমতী সুভদ্রা সিংহ

আগরতলা

পয়লা প্রকাশ

বৈশাখ ১৩২৮

এপ্রিল ১৯১৯

প্রকাশিকা

শ্রীমতী সন্ধ্যা সিংহ

পূর্ণিমা লেইরিক লেইসাং

জ্যোতিনগর গুয়াহাটি-৭৮১০২৯

ছাপানি : শ্রীমতী সন্ধ্যা সিংহ । সাহিত্য প্রিন্টার্স, গাইলাকাডি-৭৮৮১৫১

দাম রূপা আটহান

শ্রেষ্ঠ তরুণ য়ারি শিল্পী

অভিনয় শিল্পী

আবৃত্তি শিল্পী

ইদিপাসর

ইদিপাস

বানার

শ্রীমান স্মৃতিকুমার সিংহর

আতে

এরে

সামান্য খুৎতল এহান

লেখকৰ আৰ আৰ লেৰিক

চক্ৰবৰ্ত্তি ( নাটক )

লেহাও ফুলগৰে

এলাৰ ধুংতল

ধ্ৰুবপদ

মেৰাক সেৰাক

কণ্ঠগিরো ( নাটক )

পুংলল

ed: Bishnupriya Manipuri Language & Literature

ধনঞ্জয় ৰাজকুমাৰৰ লেৰিক

ৰুৱাইয়ং-ই-ওমৰ থৈয়াম

ডিগল আতহানল মোৰে

মিকুপৰ চেৰী ফুল

এৱে নাটক এহানৰ ঘটনা, সংলাপ, স্থান কাল, পাত্র পাত্রী হাবি  
কাল্পনিক। বাস্তবৰ লগে মিচিটা আগো সম্পৰ্ক নেই। ওতাউ কিতাপাৱা  
আগৰ তুল খানি আহানো তিল পড়লেগা ওহানৰে আকস্মিকহান বুলিয়া  
নিংকৰে দিবাং।

‘মেইকেই’— লেৱিকহান কৰে নিকুলানিৰ আগে ত্ৰিপুৱা চে পত্ৰিকাং  
ধাৱাবাহিক নিকুলেছিল। পূৰ্ণিমা লেইৱিক লেইসাত-এংত লেৱিকহান অয়া  
নিকুলিলতা কবি শিল্পী শ্ৰীকান্ত সিংহৰ আগহ বাৰ প্ৰচেষ্টাল।

সিনেমাৰ সংলাপ ওহানি ৬দিলীকুমাৰ সিংহৰাংত পাছুতা। মোৰ হাবি  
সাহিত্যকৰ্মৰ উৎসাহ দেকুৱা মোৰ খুলা বেকক ৬দিলীপকুমাৰৰ অভাবহান  
লেৱিকহান লেহে হুদিগং অয়া বিদেৱ।

শিল্পী শ্ৰীমতী সুভদ্ৰা সিংহই মলাটৰ ইবিহান আকে দিল। তেইৱকা  
মোৰ বানা বাৰ কৃতজ্ঞতা থাইল।

কনাক শিল্পী শ্ৰীমান শক্তি সিংহৰে ঠইগ য়োঅয়া আশিস দিয়োৱি।

লেৱিক এহান নিকালতে সৰ্বশ্ৰী দিলস লক্ষীলক্ষ, চাম্পালাল, সুধত,  
উত্তমকুমাৰ, গোপকুমাৰ, পৰিমল বাৰ শ্ৰীমতী প্ৰতিভা গাছিয়ে দিলা উৎসাহ  
ওতা পাছৱানি থক নাইতই।

নাটকহানৰ ফাগিআলিগৰ অংশ ওহান মালকৰ অভিনয় কৰন্তই ওগই  
দেনায়াকৰেৱ। ২ম ছাত্ৰ ওগৰ বাপকৰ অভিনয় [ ২৩ পৃষ্ঠা ] মানু তিনগীৰ  
আগই কৰানি।

॥ লেংকৱানি ১২০৫ ॥



[illegible]

1. 2004年12月1日



## যৌঅছি মানু

### সূত্রধার

১ম	মানুগ	বয়স ৪০/৫০
২য়	"	ও ও
৩য়	"	ও ও

১ম ছাত্র

২য় ছাত্র

১ম ছাত্রের বাপক

২য় ছাত্রের মালক

২য় ছাত্রের বনক

ফাগিআলা

ফাগিআলি

## লাল এহানি চুমকরে দিবাং

পৃষ্ঠা	পারেঙ	কিহান অইতই
১৮	১	নেনার সময়তে
১৮	৫	নেই কপাললতে জরম অইলাং
১৮	১০	কুরাংকার রূপা ?
১৮	১১	মিতে কুনো রূপার গাহজার থাং, জাকারলেই
২২	২৩	বইহান চমৎকার হবা অছে হে !
২৩	২৪	এমাটিক ডিলকরেতে কুরাংত ?
২৩	১০	গিদেইয়ে রাস করানি সাজোয়ে ধার দেনা

আরতাও থা থাইব, ওতা পাঠকরাং এরা দিলাং ।



পদাহান কাইল। সূত্রধারগ বক্তৃতা আহান দেনারকা বাসেয়া আছে।

দর্শকরে হুমাদিয়া অকরল।

সূত্রধার : গিরিগিথানী ! আজি নাটক আহান দিক বুলিয়াতে  
লেপছি, এগদেতে রিহাসেল কিতাও নাদলাং, কি নাটকহান কর  
তাঙাই ঔহানৌ লেপ নাকরেছি।

আগ আসা মঞ্চগং মেংসেল আহান টাঙানিরকা কর্তে সূত্রধারগে ঔগদে চেয়া

নুঙেই নায়

এবাকাউ তোমারতাতে সিজিল করিয়া লইনাছে থাং ?

উতাইনা নাটক করতারাই বুলিয়া লেপছতা !

মানু ঔগর প্রস্থান। বার দর্শকর এবেদে চেয়া

মানুগীঔ হাবি নাহেছি। হান্তে গিরিগিথানী ! আমার

উপায়হান কিহান ?

দর্শকর হাদিৎত তিনগ মানু উবা অইলা। তানুর বরস ৪০এংত ৫০র হাদিৎ

১ম : কি পালাহান দেনা মনাছিতা ?

২য় : আমি কুলাদিয়া পারবাংতা ?

৩য় : কইগ মানু সূনাছিতা ? আমি আইতাং ?

সূত্র : আহিক আহিক। আপনাগাছির সাদে মানু বিসারেয়ার  
তানা। আহিক, মঞ্চগং আহিক। এগদে, এগদে, এরে...

তিনগী মঞ্চগং কাইলা

১ম : আমি কিহান করতাং ঔহান আমারে দেহাদিক।

২য় : কিতা কথাত্তে মাততাং ?

৩য় : কিতার অভিনয়তে করতাং ?

তিনোগী আকসাটে

হে সূত্রধার গিরক ! আমি কিহান করতাং আমারে দেহা

দিক।

সূত্র : কিংতাউ মাত্তে দেনা না লাগতই । কিংতাউ দেহাদেনা না লাগতই ! অভিনয় করানির প্রয়োজন নেই । নিক্কা যেতা করিয়ার ঔতা করিক, নিক্কা যেতা মাতিয়ার ঔতা মাতিক । ঔতাল গিয়া কিহানাৎ পড়িয়ারগাতা চেইক ! অকরিক ! দিক ! মাতিক ! অকরিকনে, অকরলেই অকরানিহান অইতই । [ ১ম-রে ] মাতিক, আপনার নিক্কাকার কথা ঔতা মাতিক ।

১ম : মোর কথা ?

সূত্র : হাই, আপনার কথা ।

১ম : [ অভিনয় অকরল ] উহ ! কি দিনকাল পড়িলতা হে ! হাওয়া ফুটি পানার দাই নেই । যেপেইঔ যিংগা, ইমে— নেই !— লয়ছে ! — আইলে পেইতেই ! — এহান ।

২য় : এহানতে কিহান-এ ! ছুনখানি বিসারেয়া নাপাউরি । বাতগিতে কিতাল গিলানি !

৩য় : মুনিশৌ ঔগ কই বছর আইল বি, এ, পাশ করিয়া চাকুরী আহান বিসারারতা ! কতিঔ আটত ! কতিঔ মানু এতা ধরত ! কতিঔ দরখাস্ত এতা দিত ! রূপাগৌ তিংকরল !

তিনগীর প্রস্থান

সূত্র : এন্না নাটকহান অকরলা । এখুরমতে নারী চরিত্রগী মিকুলো ।

মালকর প্রবেশ

মা : বাসাহে, তোর নাটকর ঔগদে নাউ অছু । রুয়াউলী বেছতে বেছতে আকয়া কাকালির জতা ছিড়িল । কোনদিনো মরিয়া ওয়াইসাত্তৌগ কিগৈ জানে ! আজিতে চৌল, আটা আকতাউ গরে নেই । গাঙহান হাবি নিদানহানে হাই হাই করতার । কারাং গিয়া চৌলগুলি পানা কিগৈ জানে । খরাহানে লপুকগৌ হাবি ছকেছে খাংতে রুয়াউ নেই । আজিতে চারা এলকরানিংহে পড়লাঙতানা কিতা !

বনকর প্রবেশ । রুমালহানল মেইথঙর ঘাম কিতা পুহল



ব : উহ্ । কি খরাহান এ । রইদ এহান কতিও সারো গেছেগাতা !  
মা : তি টিউশনি করুরি গর উগৎ ধনখানি উদারি মাগিয়া চা  
বেনাই ।

ব : মি নুয়ারতো ! কতিতে মাততু । নাউ দিতারা । আগেকার  
ওতাউ হুজিয়া লই নাছে । ওতার গজে আর তানুরতা মাষ্টার  
না লাগের উনি । তানুর শৌ ওগরে হোস্টেলে দিতারা ।

মা : আজিযৌ বার চারা এলকরানিং পড়লাংতা !

ব : বাইয়ো কিংতাউ নেই ! নিক্কাকারহান থাংতে গারিতৌ  
নালাগের । কইতে মোরে পানি ফুটি দেয়া আই ।

দ্বিয়গীর প্রস্থান, সূত্রধারর প্রবেশ

সূ : মি এতা মানুরে উদ্ধার আহান করিং । মি ভোটে উবা  
অইং । মোরে ভোট দিয়া জিঙুয়েইলেহে [বক্তৃত্তা] দেশর  
উন্নতি । প্রগতি । অথওতা । সংহতি । বিদেশ নীতি । অস্ত্র । স্বাণ ।  
বোমা । এসিয়াড । ফাইভ ষ্টার ।

লেইরাপা ! আহা আহা ! দেশসেবা । তোমারকা মরলেউ  
মরতৌ । মোরে ভোট দিলে ঘি. থৌ, মধুর, কলা, সেলকম ।  
নাদলে—হিন, দুখ, বিরোধীপক্ষ, নিয়াম হবা নেই ।

১ম, ২য়, ৩য়র প্রবেশ

১ম : এগরাং হাওয়া ফুটি মাতিয়া চেইতু !

সূ : মাতিক মাতিক । জিঙিমতাই গরে গরে হাওয়ার পাইপ  
বহা দিতৌ ।

২য় : মিতে নুন খানিরকা না !

সূ : জিঙিমতাই গরে গরে নুনর বস্তা ফৌকরে দিতৌ । মি নিজে  
লেমপালহানিং করিয়া আনে দিতৌ ।

৩য় : মিতে মুনিশৌ ওগর চাকুরী আহানরকা না !

সূ : মিহে দিতৌ নাই । চাকুরীরকাউ হিনপাছতা !

পথগাট, থংপুল, ইস্কুল-কলেজ, হাসপাতাল, মন্দির-মসজিদ,  
যেগই যেতা মনারাই ঔতা উপু আগং বরেয়া আনলুক পুরি  
গরে গরে হরি লুট দিতৌ ।

১ম. ২য় ৩য় : জয় প্রভুর জয় । [ হাবির প্রস্থান ]

ছাত্র হুগ ট্রানজিস্টার আগ ধরিয়া হমেইলা

১ম, ২য় ছা : সেন— চুরী ! সাবাস ! চালাও ইণ্ডিয়া ।

১ম ছা : বাউণ্ডারী !

২য় ছা : মাংলুগনা সেঞ্চুরীগ অইতই বুলিয়া ।

১ম ছা : খেলার হবা এহান ।

২য় ছা : বাসাহে তামুর ইনিংসহান অকরলা, ছন এ ।

১ম ছা : আহ্ ক্যাচগ মিস করল ।

২য় ছা : ইস্ । সিমপুল ক্যাচগ না । এগৌ ধরে ছুয়ারলতা ।

১ম ছা : এগ উইকেট কিপারগ ! তি ঔগ বাংগেদে ফালদিয়া ধরে  
ছুয়ারলে !

২য় ছা : ক্যাপ্টেনগৌ বাজে অছেতানা । এবাকা তি আকগদেৎত  
স্পিন বার আকগদেৎত ফাষ্ট বল কর এনে ! ছিয়বারাদেৎতৌ স্পিন  
দিলে থাংতে ! এগই ক্যাপ্টেনগ অইবেগ ! সিলেকশন কমিটি  
ঔহানৌ কিহান !

২য় ছা : গুরুগ না ! নাইলে তা এবাকা এসাদে ফিল্ড সাজারতা ।

১ম ছা : [ চিকারী ] আউট !

২য় ছা : সাবাস ! ইণ্ডিয়া জিংলা ।

১ম ছা : খেলা খেলা খেলা ।

২য় ছা : দিনে খেলা, রাতি খেলা ।

১ম ছা : রেডিওং খেলা, ।

২য় ছা : টিভিং খেলা ।

১ম ছা : টেইপাঙে খেলা ।

২য় ছা : হপনে খেলা ।



১ম ২য় ছা :           খেলা খেলা খেলা  
                               কাম নেই ছুম নেই  
                               ঔতা কিতা বেলা ।  
                               খেলা খেলা খেলা  
                               আরতা হাবি বেলা ।

ডিসকো । সূত্রধার প্রবেশ

সু : (বক্তৃতা) দেশ । উন্নতি । বক্তৃতা । খেলা । হারো । ফুর্তি  
 রেডিও । টিভি । ক্রিকেট । ফুটবল । বিশ্বকাপ । গোল্ডকাপ ।  
 আর কিতা । ফুর্তি করে । [ প্রস্থান ]

১ম ছা : বাসাহে এখুরুমকার ফিলিমহান দেখলেতা !

২য় ছা : কিহান ? দিলমে চাক্কু ? না । জানকে ডাক্কুতে চারি  
 থুরুম চেইলু । এহানতে নাচাছু ।

১ম ছা : যিকগা বেনাই । টাঙেছি ফটো ঔতা দেখলু । ফাইটিং, এলা,  
 নাছা, ফাগী, মোটর সাইকেলে হেলিকপটারে যুদ্ধ ।

২য় ছা : দেখলুগ । মুয়া লাগাছিহান নাগৈতা !

১ম ছা : টিকেটহে পেইতাঙাইতা ?

২য় ছা : র্যাকে লইতাঙাই নাই ।

১ম ছা : মিতে লেরিক ছহান বেছে দিতৌ । গরেদে মাঁঙেল বুলিয়া  
 মাংতৌ নাই ।

২য় ছা : মিও উপায় আহান নিকালতৌ নাই ।

১ম ছা : মি গিয়া লেরিকহানি বেছিয়া, কাদার চা-ষ্টল ঔগৎ বাসেয়া  
 থাইতৌ । তি ডিল নাকরিছ ।

দ্বিগীয় প্রস্থান । ২য় ছাত্র ঔগর প্রবেশ

২য় ছা : ( লৌদিয়া ) ইমা ! ইমা ! ( মালকর প্রবেশ )

মা : কিয়া থাং বাবা ! আইংতে অম্বাটিক চালাক করেতে ?  
 ছুটি থাং ?

২য় ছা : ঔতাল তি কিতা করতে ! তোরে আয়া হাবি পড়ার যারি

দিতু !

মা : না বাবা নাউ দি ! তিহে বাবুগ অদে । আজি এইগারাং  
তোর কুষ্ঠিহান চৌয়েইংগা করে । গারি এগ চকো যারগাতা  
কিতারকা থাং ? এইগাই তোরতা শনি হবা নাছে বুলেছিলগ ।  
২য় ছা : চিন্তাই চিন্তাই গারিগ চকছেতা । ইমা, এমারি পরীক্ষা নাদতু ?

মা : কিহান বুলিয়া মাতরতা বাবা ! কিহান বুলিয়া হুয়্যারতা ! কিয়া  
পরীক্ষা নাদতেইতা ! মিতে, তি কোনদিন পরীক্ষা পাশ করিয়া  
বাবুগ অয়া মোরে হুঙেই করতেই ঔহান বাসেয়া আছুগ বাবা ।  
আর কইদিন এসাদে রুয়াউলি দওয়াউলি বেছিয়া চলতৌগ ।  
এসাদৌ মানু জিংতা অয়া থাইতারাতা ! দে বাবারৌ, পরীক্ষাহান  
দে !

২য় ছা : ঔহানতে মাংলেই নার নাই । পরীক্ষা দে বুললেই কিতা  
পরীক্ষাহান দেনা অরথাং ! এহানৌ কিতা তোর রুয়াউলি বেছা-  
নিহান থাং ! এরে মাতৌরিতাহে ইমা ! পিছেদেতে মোরে দোষ  
নাদিছ । মি এমারি পরীক্ষা দিয়া হুয়্যারতৌ ।

মা : কিহান বুলিয়া মাতরতা বাবা ! কিয়া পরীক্ষা নাদতেইতা  
মাত বেনাই । মি এব্বাকা কোষ্ঠিহানল এইগারাং যাউরিগা ।  
মিতে গারি এগ বেছিয়া তোরে বাবুগ হংকরিং বুলিয়া লাগেছুগ ।  
কিহান অছেতা মাতবেনাই ।

২য় ছা : পরীক্ষার ফিসতে দেছিলেতা ?

মা : গেলগা হাপ্তাং পরীক্ষার ফিস নিলেগা ঔতাতে !

২য় ছা : এহানল না অশিক্ষিত বুলতারাতা ! আহ্, রুয়াউলি  
বেছুরিতা কতি ফিট ফর অছংতা ।

মা : হাই বাবা ! আমিতে অশিক্ষিত নাই । ঔহানেহে মরেছি নাই ।  
ঔহানেহে তোরে শিক্ষিতগ, বাবুগ হংকরিং বুলিয়া লাগেছুতা নাই ।

২য় ছা : হৌতা অইলতাই টেষ্টর ফিস । মাপ্তারগই মাংলতা —  
'ঔহানিলতে পাশ নাউ করতেই । ফাজডিভিশনর ফিস আংগা । তি



তোর পুতক হবা করে পাশ করক ঔহান না মনাউরি ! ফাজডিভি-  
শনতে কিতা হারপাউরিতা !

মা : না বাবা । কিতা থাং ?

২য় ছা : বুজেইলেতে বুঝতেইতা ? দে দে, ত্বর করে ফিজর রূপা দে,  
সার পথে বাসেয়া আছে ।

মা : সার ঔগে কতিও মোর পুতকরে বানাপারতা ! শৌগ হবা,  
সাকৃতি কাম নাকরের, ইমে পড়াহানল থার থাংতে বানাপারতা না !

২য় ছা : দ্বিয়োরিগ ! চালাক করে দিবে নাই ।

মা : বাবা ! এবাকাতে কুরাংত দিতু ! পিছেদে দিং বেনাই !

২য় ছা : অ ! তি মোরে পরীক্ষা নাদি বুলোরিতা ! লেরিক না তাম-  
করি বুলোরিতা ! তোর সাদে অশিক্ষিতগ অয়া থাক বুলোরিতা !

এরে চা, মি মরুরি ! লেরিক না তামকরিয়া থায়াতে কিতা  
করতু ! মি হু খেয়া মরুরি ! মোরে এলড্রিন খানি দে । মি

আত্মগাঠি লাগিয়া মরিং. মোরে দড়ি আগাছ দে !

মা : [ চিকারী দিয়া ] হইমা ! কিহান অইলুতাহে ! মোর আকগ  
পুতকগ কিহান অইলএ ! জিংতা কর । মানুর সাদে দশগ পাচগ

পাছুগ নাগৈ ! আকগ তামফাগ করে পাছুগ । না মরি বাবারো  
না মরি । মোর ধনগ ! মোর সুনামানু ! না মরি বাবা ! মি

এব্বাকারগাই হুনা বন্ধক দিয়া ফিজর রূপা আনে দেউরিগা । তিহে  
পরীক্ষাহান দে । তিহে বাবুগ অদে । [ প্রস্থান । ঔগদে চেয়া

পুতকর প্রস্থান ]

১ম মানু ঔগর প্রবেশ

১ম : বাজারে আগৈ হাওয়া বেছের উনি ! [ ১ম ছাত্রর প্রবেশ ]

১ম ছাত্র ঔগ আয়া উবা অয়া সিগ্রেটগ নিকালতে ১ম মানু ঔগরে দেহিয়া

সিগ্রেট ঔগ লুকেইল

১ম : রবি ! যাগাতা বাবা, ব্যাকে হাওয়া ফুটি আনগাতা ।

মোরতা অফিস ডিলৈল—



১ম ছা : মি ভুয়ারতো ।

১ম : যিংগা চেইং পাউরিগা নেই । অফিসৌ ডিলেল ! কিহান করতো কিগৈ জানে !

২য় : রেশনে আটা আহেছে উনি ! [ ১ম ছাত্রগরে ] মণি ! [ ১ম ছাত্র ঔগৈ সিগারেটগ নিকালেয়া লুকানি ] যাগাতা ! রেশনর আটা ঔহানি আনগাতা !

১ম : মি ভুয়ারতো !

২য় : হৌগদে অফিসর টাইমহানৌ ধরে ভুয়ারতো । কিহান করতু ! যিংগা চেইক । [ প্রস্থান । ৩য়র প্রবেশ ]

৩য় : [ ১ম ছাত্রগরে ] অজিত । [ ১ম ঔগই সিগ্রেটগ নিকালেয়া লুকেইল ] দেতা ! তোর মালকর এরে ইঞ্জেকশন এগ চালাক করে বিসারেয়া আনগাতা ! ব্লাকে নুন দিতারা উনি ! মি গিয়া আনিংগা !

১ম : মি ভুয়ারতো ।

হাষির প্রস্থান । সূত্রধারর প্রবেশ

সু : উন্নতি ! উন্নতি ! উন্নতি ! উন্নতিরকা কতি খালকরিয়ারতা ! খালকরতে খালকরতে গুম নেই ! মানুয়েতে ঔহান হারনাপেইতার।

১ম, ২য়, ৩য় : [ হমেয়া ] এগ কুংগ থাং ?

সু : মোরে নাচিনলাই ! মি লাংটিয়া দৌগ ।

তিনগী : হরিবোল ! হরেকৃষ্ণ ! এরে হমা দিয়ার প্রভু ।

১ম : প্রভুর দরশন পেইলাং, আমার জনমহান সার্থক অইল । প্রভু আইতে ডাক, ঢোল, মৃদঙ্গ, মাংকাং, মৈবং রহেয়া মানুহান মেকহান অইতার।

২য় : আমিতে কতি ইলেই লেই করে প্রভুর দরশন পেইলাংতা ।

৩য় : গম নেই । ইলেই লেই নাবুলি । প্রভু ! এহান হপনহান না টেইপাংহান !

১ম : প্রভু, মাতানিও কিহান ! হাওয়া ফুটিরকা নিয়াম হিনাপইলু প্রভু ।

২য় : প্রভু ! চৌলতে নেই নেই, আটাও নাপেইলাং থাংতে  
 প্রভু, নিয়াম হিনপেয়া না প্রভু !  
 ৩য় : মুনিশৌ ঔগর চাকুরী আহান নায়া প্রভু ! কিহান অইলুতা !  
 সূ : মোরে দেখবাইতাই ইমে এতা যারি অকরিয়। কিয়া !  
 হবা হবা যারি নেইথাং ! হারোপা যারি, কুমেইর যারি, হুঙেইপা  
 যারি, মোরে দেখলে কিংতাউ নিংসিং নায়ে। নাগৈতা। তোমারকা  
 জাম্বো জেট, রকেট, উপগ্রহ, কালার টিভি, তৃতীয় বিশ্বর নেতৃত্ব—  
 এতা হাবি করে দেখু, ঔতাতে পাছরিয় ! ঔহানল নাই মররাইতা।  
 প্রস্থান

১ম : তুমি এতারে না ! দেখবাইতাই ইমে নেই নেই, দে দে,  
 মইলাং মইলাং, এহানল হাই হাই করলাই থাংতে ! সূপ মুঙপিটি  
 চানা নেই। হারপানি থকর প্রভু কতি হুঙেই নাইলতা !  
 ২য় : তিহে অকরলেগই। চাতা প্রভু কতি সৌঅইলতা ! মাতানি  
 নাজানছগৈতে কিয়া মাংলে ! আমারে নাদেখলে ! তোমার  
 এহান মি আগৈতে ঠিক নাপাউরি। এবাকা আমি কিহান অইলাং !  
 ৩য় : আমিতে লেইরাপা মান্নু ! পূর্বজন্ম পাপ করিয়া আহেছি  
 থাংতে বিধি ঔগৈ এ জনমে আমার কপালে এরে ছুখ এতা  
 ইকরেছেতা। ঔতা তুমি এবাকা মান্নুরে হুয়েয়া কিতা করতাই।  
 হাদিৎ প্রভু হুঙেই নাইল। কিহানতে কানাহান ! এহানল নাই  
 লেইরাপারতা ধনৌ নেই, বুদ্ধিয়ৌ নেই, মান্নুয়েঔ বানা নাপেইতার।  
 না, না, তোমার এ মাগানি কাদানি এহান হবাহান নাগৈ।  
 ১ম : হাইয়ে এতা তৌ জনমর পাপ এনা। ঔহানে এ জনমে  
 হিনপেয়ারতা।

২য় : এ জনমে পুণ্য করিক, পিছেকার জনমে রাজা পালইবাংতা !

তিনগীয়ে সংকীর্তন দিয়া দিয়া প্রস্থান। মালকর প্রবেশ

মা : মাহাজন বাবু গরে নেইতা ? [সূত্রধারর প্রবেশ]

সূত্র : কিয়া থাং সুনার মালক ! এবাকাতে বার কিয়া ? তোর



আগেকার রূপা ঔহানির সূদহানিতে দিবে নাই। নেনার স য়তে  
নিয়রাইগা, দেনার সময় না নিংসিং নারাইতা।

মা : হাই নিয়াম ঠেকা আহানাং পড়িয়া আইলুতানা।

সু : বাই তোমার ঠেকাউ গিথানক, লয়ইতে লই নাইতই।

মা : কিমেতে করতাং ! নেই কপাললতে জরম অইল  
আজিকার ঠেকা এহান কুলাদে।

সু : আজিতে বার কি ঠেকাহান থাং ?

মা : হাই, মুনিশৌ ঔগর পরীক্ষার ফিস দেনা আহান পড়ে পড়ি-  
লগা থাংতে !

সু : আগেকার রূপাউ হুজিয়া লই নাকরেছংগাই ! কুরাংকার রূপা  
নেই, রূপা নেই। মিতে কুনো রূপার গাছজার থাং, জাকারলে  
নিকুলতইতা।

মা : ফিসর রূপা এহানি দে। রুয়াউলি দিতৌ নাই।

সু : আগেদে রুয়াউলি দিতেই বুলিয়া নেছংগা রূপা ঔতাউতে সূদে  
কিতাই এংতা পারা আছে। ঔতার গজে আরতাতে কুরাংত দিতু !

মা : মুনিশৌ ঔগর পরীক্ষার ফিসহানি না ; দেনা লুয়ারিয়া না,  
যেস্ সাদৌ হুজতৌ।

সু : লুয়াররাই তাইতে কিয়াকাউ জিপুত লেরিক তামকরুয়ারাই।

মা : জিপুত লেরিক তামকরিয়া বাবু অইলেহে আমি লুঙেই অইতাং  
নাই। নায়াতে ইমে এসাদে থাইতাং !

সু : আজি রূপা দিয়া লুয়ারতৌ। নেই রূপা ! কুরাংত দিতু !

মা : এরে হুনা এহানি আনেছু— এহানি অইলৌ থয়া দিবে নাই।

সু : চেইং ! হুনাতে খানিপ্পারা আছে। মিশলৌ আছে।  
কতি থাং ফিসতে ?

মা : কিংগে জানে ? তাউ নাউ মাংল, মিঙ না আংকরে বেললু।

পরীক্ষার ফিস্ কতি পড়ের ঔহানি হিসাব করিয়া দিবে নাই।

গজে খানি দিছ। যিতেগা আটা খানি লয়া নিয়গাতা।



সু : হাই তোরাংতে আগেকারতাউ পেইমতা আছে। ঔতা কিতা  
কাপিয়া এরে আক্‌কুড়ি পাচহান দিয়োরি। আর গজে দেনা  
হুয়ারতো। এতাল আজিকার ফিস্‌হানি কুলাগা। নেগা দ।  
মা : এহানিলতে কার নাকে দিতুগা। আরাক খানি দিবে  
নাই। আটা খানি নিংগা।

ভেই মাতিরী হাদিং সূত্রধারর প্রস্থান। মাতিয়া লই করিয়া ঔগদে চেয়া থায়া  
হাতে হাতে বিপরীত পথেদে প্রস্থান। ২য় ছাত্র অস্থির অয়া মালকরে বাসেয়া  
আছে। মালকর প্রবেশ

২য় ছা : কিয়া অমাটিক ডিলেলতা।

মা : মাহাজন ঔগই রূপা দেনা নাকরিয়া ডিল করলতানা বাবা !

২য় ছা : অ, নিয়াম ডিমাও দেহুয়ারতা !

মা : তোর বনকর বিয়াং দিতৌ বুলিয়া থছিলু হুনাহানি অরতে  
মাঙেল নাই। ঔতা আর এ জনমে ছুটা পারতোতা ! এবাকা  
ফাম কিতা হমেইলে কিতাল তোর বনকরে বিদাধ দিতৌতা ?

২য় ছা : ঔতারকা সুপ না খালকরি, কই লাখ লাগেরতা মিহে  
দিতৌ নাই।

মা : [ হারৌ অয়া ] কুরাংত ?

২য় ছা : [ জেপগৎত লটারীর টিকেট কতহান নিকালেয়া ] এরে চা !

প্রস্থান। ঔগদে চেয়া থায়া মালকর প্রস্থান। বনকর প্রবেশ

ব : নাহ্‌ নাউ অইতই ! কতিঔ আটতু। [ নড়িয়া সেঙেলহান  
ঠিক করিয়া ] কারাং গেলগা, কিতা করলে চাকুরী আহান  
পেইতোতা। ইমাই ছুনিয়ার দৌলিসিং দৌলা এতা হাবি মানস  
করেছে। ঔতা আকগইঔ মোরে চাকুরা আহান দেনা হুয়ারলা।  
মি লাংটিয়া দৌগরাং মানস করিং। তারাং যিংগা। তা নায়া  
আরতা আকগইঔ হুয়ারতাই। মাংলগ না — সুপ হিন নাপেয়ো।  
যেগরতা যেতা লাগের মোরাং মাংলে মিহে করে দিতৌ নাই।  
তারাং গেলগাতে পেইতো চাকুরীহান। [ প্রস্থান বার প্রবেশ ]

আজি গিয়া গরে নাপেইলুগা, দিশপুরে গেছেগা।

হিল আগল সেঙেলহান ঠিক করিয়া প্রস্থান বার প্রবেশ।

প্রস্থানহান লেহে আগে সেঙেলহান ঠিক করানি

আজি গিয়া গরে নাপেইলুগা, দিল্লীং গেছেগা। [প্রস্থান  
বার প্রবেশ] আজি গিয়া গরে নাপেইলুগা, দেশ উন্নতি  
সভা আহানাং গেছেগা [প্রস্থান বার প্রবেশ] আজি গিয়া গরে  
নাপেইলুগা, মহিলা সমিতি আহান ঈদ্বোধন করাং গেছেগা।  
[প্রস্থান বার প্রবেশ] আজি নিয়াম ব্যস্ত আছে দেহা নাইল।  
প্রস্থান। সূত্রধারগই কিতাই প্রবেশ। সূত্রধারগ তেইরে নাচেরা আরাক  
আকগদে চেয়া থাইতই

সূ : চাকুরী ! কুরাংকার চাকুরী ! কুরাংত চাকুরী দিতু তোরেতে।  
পাচ হাজার, দশহাজার দেছি ঔতারে পেয়া চাকুরী দিয়া খুয়ারিয়া  
আছি। এবাকা রাজধানীং খেলার আসর আগ বহানি ; ঔতা  
চানারকা এপেই টি ভি সেন্টার খুলানি, বিদেশে যানা, বিশ্বর মুঙে  
আমার সন্মান বাড়ানি, বিভিন্ন দেশর নেতারেল সম্মেলন করানি।  
বিশ্বর সমস্যাল আলোচনা করানি। এবাকা তোর তুচ্ছ চাকুরী  
ঔতাল খালকরিল সময়হান ?

ব : যেহানো আহান চাকুরী নায়াতে কিসাদে জিংতা অইতো !

সূ : দিতাঙাই নাই চাকুরীতে। এতা কিতা ডাঙর ডাঙর সমস্যা  
এতা লয়ইলে পিছেকার পঞ্চবার্ষিকী পরিকল্পনাং চাকুরীর সমস্যা  
ঔহান পাচ মিনিটে সমাধান করতাঙাই। এতাতে গরর সমস্যা  
নাই, দ্বিদিন পিছেদে করলেউ যাকরের। বৈদেশিক সমস্যা  
ঔতাহে আসলতা নাই। বিদেশীরাং আমার সন্মান থনা।

ব : এদিনেইতে আমি নাহেয়া মরতাং। মি বি, এ, পাশ করেছুগ।  
অনার্স পাছুগ। বাবা নেই। লেরিক তামকরতে বিহানি  
হাবি বন্ধকে গেছেগা। এবাকা গরে খেইলতা নেই। ইমাই কুয়া-  
উলি বেছিরী। এগদে, মোরে বিয়া দেনারকা থছিলী হনা হাবি



বন্ধক দিয়া লইকরল । ঔতার গজে চাকুরীর দরখাস্ত টাইপ করানি, সার্টিফিকেট জেরোজ্ঞ করানি, চালান জমা দেমা, টাউনে আহানি, মানু ধরানি, এমপ্লয়মেন্ট এক্সচেঞ্জ...

সু : [অধৈর্য অয়া] যেগৈয়ৌ আয়া ইমে য়ারি আকহান দিতারা । আমিতে কিতা করতাও ! আমি তোমারে বি বন্ধক দিয়া লেরিক তামকরে । বুলেছিলাং থাং । কিতারকা তুমি এতাই না বুঝরাইতা ?

বুলন দিয়া তেইরে চেইলো । চেইতে চেইতে দৃষ্টিহান

পরিবর্তন অইল । আহিগীং লোভ

অ, তি ! আছে আছে চাকুরী আছে । দিতৌ, চাকুরী দিতৌ । মিহে তোরে চাকুরী দিতৌ নাই । আকহান চাকুরী জেবগৎ করিয়া আটুরি ঔহান তোরে দিতৌ । ঔতারকা সুপ নাখালকরি । হান্তে, এপেই এরে মানু এতার হাদিং চাকুরীর বিষয় ঔতা আলোচনা নার । মানু এতার বেড়ানি এহানে আকয়া ! এতাতে গোপন বিষয় । তি কাম আহান করিছ । মি সেন্দার পিছেদে অমুক হোটেল ঔগর ৪২০ নং রুম ঔগৎ থাইতৌ । ঔপেই আহিছ । ঔপেই চাকুরীহান দিতৌ ।

ব : চালান, দরখাস্ত, মার্কশীট, জেরোজ্ঞ...

সু : কিংতাউ না লাগতৈ তিহে আহিছ এনে ।

ব : ডিলেলেতে আলথক অনার গাড়ী নাপেইতৌ নাই ।

সু : সুপ না খালকরি । মোর গাড়ীহানল গরে ফৌকরে দিতৌ ।

ব : চাকুরী হানতে অইতই তা ?

সু : অইতই ! অইতই ! ঔতাল না খালকরি ! চাকুরী আহান মি হোটেলগৎ থ দিতৌ । সেন্দার পিছেদে আয়া নিসগা । যেসাদৌ আহিছক ।

দ্বিগীর প্রস্থান । ছাত্র ঔগী আহে আহে হমেইলা ।

১ম : পেইলুহে ! ব্র্যাকে টিকেট ছহান পেইলু ।

২য় : হুঃ । কতি ভীড়গ অগেছিগাতা ! ব্র্যাকে পেয়া টিকেট না পেইতার ।

১ম : মাইর করিয়া আনলুতা। নাইলে নাউ পেইলাউছ !  
মোর আগে ডাক্তার আগৈ নিলগা, পানর দোকানী আগৈ নিলগা,  
ইঞ্জিনীয়ার আগৈ নিলগা, নেতা আগৈ নিলগা, রিক্সা আলা আগৈ  
নিলগা, প্রফেসার আগৈ নিলগা, অফিসার আগৈ নিলগা, বাসর  
হেণ্ডিমেন আগৈ নিলগা ইস্কুলর হেডমাষ্টার আগৈ নিলগা, পকেটমার  
আগৈ, উকিল আগৈ হাকিম আগৈ — ঔতার পিছেদে মি।

২য় : ঔরে চা, ফিলিমহান অকবলা। [দর্শকর বারা ঔহান পদ'হান]

১ম : সাবাস। চালাও ডিসকো। চালাও প্যার।

২য় : চালাও ড্যান্স ! চালাও হিনানির দৃশ্য। ঔরে চা তেই  
গাটহানাৎ পড়িয়া হাতুরিরীতা, পিঠিয়েদে ভিলেনগৈ তেইর ফুতি  
ঔহান দরিয়া আচুলেরতা ! ফাইটিংহান অকরলাহে !

১ম : চালাও ফাইটিং।

২য় : চালাও মদপিনার দৃশ্য।

১ম ২য় : সাবাস। চালাও ! চালাও ! চালাও।

১ম : কতি ছুংখর সিনহান। নায়িকাগৈ কাদে কাদে নাছে নাছে  
পথে পথে এলা দিয়া ভিক্ষা মাগিরীতা। এহ্ !

২য় : কতি ছুংখর সিনহান। এতাপারা নায়ক এগৈ কুলিগিরি  
করেরতা। আহ্।

১ম : ফাগির সিনহান অকরলা। [দ্বিয়গী আহিয়া খলপী খলক অইলা]

১ম ২য় : ফাইটিং। ঠিসুম ঠিসুম। ইয়াহ্ !

১ম : এলা, নাছা, অয়ে অয়ে। পইসাহানি উশল অইল।

২য় : ব্ল্যাকে চানাহান সার্থক অইল।

১ম ২য় : বইতান চমৎকার আছ হে।

১ম : সিনেমাহানতে লয়ইল। যিলগা ভাড়াতে আছে ?

২য় : নেই ! হাট আটিয়া যিকগা।

১ম : দেখলেতা ! তেই করিরী একটিং ঔতা আরতাই পারতাইতা !

২য় : দেখলেতা ! তা করের একটিং ঔতা চমৎকারতা নাগৈতা !



১ম : আরে ইয়ার ইয়ে জিন্দগী কামাল হো গিয়া ।

২য় : মেরে দিলকে প্যারী ! তু আজা মেরি দিলমে । আজা আজা !

১ম : ইয়ে জিন্দগী কিতনে হসীন হ্যায় ইয়ার ।

২য় : কতি ফুতি করতারাতা । আমারেতে আমার মালক  
বাপকে লেরিক চেই, লেরিক চেই, সুপ চানাপা জালেয়া খা বেললা ।

১ম : কতি সার্থক অগেছেগাতাহে তানুর জনম এতা ।

২য় : রাজকাপুরে জিপুত হাবিরে সিনেমাং লামাছে ।

১ম : সুনীল দত্তই পুতকরে সিনেমাং লামাছে ।

২য় : ফিলিম । সিনেমা । ভিডিও ।

১ম : একটার ! একট্রেস !

২য় : চলতে হে ইয়ার । ফির মিলেঙ্গে ।

২য় ছাত্রের প্রশ্নান । ১ম ছাত্রের বাপকর প্রবেশ

বাপক : এমাটিক রাতিতে কুরাংত বাবা ?

১ম : মাষ্টারগরাংত ।

বা : এমাটিক ডিলকরে !

১ম : দিনে তামকরানি লাজপেয়া রাতি যাউরিগাতা ।

বা : কিয়া ?

১ম : হবা পোষাকতে আকহানৌ নেই । হবা শার্ট নেই, প্যান্ট  
নেই, হবা জুতা নেই ।

বা : দিতৌ বাবা দিতৌ ? তিহে মনহান দিয়া তামকর এনে ।  
ঔতারকা সুপ না খালকরি । কালির গাই কাবুলীরাংত রূপা উদারি  
আনিয়া ল দিতৌ ।

দ্বিগুনীর প্রশ্নান । ২য় বার বনকর আকসাটে দ্বিগুনীরদেস্ত প্রবেশ

ব : এমাটিক ডিল করেতে কুরাংত পরীক্ষাহান বিংতা অইলতাউ  
রাতি গরে নাথারতাতে ! কিয়া ডিল করলেতা ?

২য় : হান্তে কিতা অইল ।

ব : লাজ নাপারতা এমাতিক রাতি পেয়া মস্তানগর সাদে পথে  
পথে বুলরতাতে !

২য় : কারে মস্তানগ বুলোরিতা ! তিতে কিয়া রাতি নড়েই  
নতলে গরে আহোরি ?

ব : মিতে চাকুরী বিসারেয়া নাই !

২য় : মিও মাষ্টারগরাংত আহোরিতা ।

ব : মাষ্টারগহিতে কিতা সিনেমা হলে লেরিক বাগাদেয় থাং ?

২য় : তিতে অমুক হোটেলে চাকুরী বিসারাউরিগাতা !

ব : ইতরগর সাদে না টটরেই ! নাইতে ! যেতার - লগে  
তিলরগা ঔতারাত হিকর বিজা নাই এতা !

২য় : উয়ো মেরী জিগরি দোস্ত হ্যায় । তি নিজে কিগ ঔহান  
খাল করিয়া মানু শাসন করিছ, হার পেইলে !

ব : কার লগে ঔসাদে টটরারতা ! হারপেইছ ।

২য় : হারপেইছ ! [ মালকর প্রবেশ ]

মা : বাসেই, বাসেই ! [ জিলকরে ] তি এগ কিতা অইলেতা !  
এব্বাকা মাষ্টারগরাংত হিনে তুকে আহের শৌগরে...

পুতকরেল প্রস্থান । ঔগদে চেলা কাদিয়া বনকে সাটিফিকেট কিতা ফারিয়া  
প্রস্থান । সূত্রধারর প্রবেশ

সু : উন্নতি ! ফাইভ স্টার । সিনেমা । টি ভি । ভিডিও । হারো ।  
পিয়ম । ফুর্তি । [ মানু তিনোগীর প্রবেশ ]

১ম : খুচরা নেই, কিতাল খরচ করতাং ।

২য় : জিনিষর দাম এতা কা যারগা এহান, কিসাদে জিংতা  
অইতাঙাইতা !

৩য় : মুনিশৌ ঔগ চাকুরী আহান নাপেয়া থাইল ! কিহান  
অইতৌতা ! [ সূত্রধারগৈ তিনোগীরে যানারকা ইঙ্গিত করল ]

সু : দর্শক গিরিগিধানী । নাটকহান নিয়াম সিরিয়াস আকৈল ।  
এপেই কমিক রিলিফ আহান দিক । এপেই ফাগীআলা আগৈ



ফাগিআলি আগৈ বৰেইক । [ উইংসেদে চেয়া ] কইতে নিকুলো ।

ফাগি থানি দেই, মানু আহকা । [ ফাগিআলার প্রবেশ ]

ফা : ঘিনতেইনতা থিত্তা ধেইনতা ।

আটা কিতা গৰে নেইতা ॥

ফাগিআলির প্রবেশ ।

জে ফা : ঘিন থেৰে থেৰে নাং থেৰে থেৰে নাং ।

কুৰাংকাৰতা আটা থাং ॥

সু : ঔসাদে নাগৈ ! ঔসাদে নাগৈ । ইমে চুমকাৰ ফাগি দেই ।

এলা দিয়া নাছিয়া নাগৈ ।

ফা : হেৰে হেই ! পানি খুচেই আহান দেতা । বকহান জাৰে  
মুয়াৰলু ।

জে ফা : হবাই ! কি মানুগ থাং-এ ! ইমে নেই ঔতা শিচ্চিল  
মাগেৰএ । কুৰাংকাৰ পানি ? খৰাহানে পহুৰী, খং, বিল হাবি  
ছকেছেতাতে আহিগল নাদেহুৰ থাং ?

ফা : ইমে দিনহান সাজহানল থাক । পানি ফুটি আনানি ঔহান  
পেয়াও মুয়াৰিছ । কতিৰৌ লাট মহাৰাণী আগ দাবছয়েয়া  
আনেছুতা !

জে : কতিঔ লাট মহাৰাণীগ কৰে থছৎতা ! দাবছয়ানির  
আগেতে কিতা বুলেছিলে ! ছনা দিতৌ, রূপা দিতৌ, মণিপুৰৰ  
তলফুতি দিতৌ—ঔতাতে দেছিলেতা ?

ফা : হাই অইলগা, চিকারী নাদি ।

জে : কিয়া চিকারী নাদতৌতা । অ-ইমা ! এগৰাং ইমে মোৰে  
দিলাইতাক । অ বাবা ! বাপকগ অয়া ইমে এহান কৰলেতাক !

ফা : তিতে দাবদিয়া আহেছংগইতে কিতাৰ মালক বাপক  
দোৰ্যৌৰিতা ।

জে : দাবদিয়া আহেছু বুলিয়া খুটা দিয়রতা ! এৰে এব্কাৰ  
গাই হাতবুলা স্ককরতৌ [ কোটি চন্দ্র এলা দিয়া বুলানি অকরল ]

ফা : অবাই কতিও হাতবুলা স্করানি মনাছৎতা। হারৌহানে  
থাইবে পথ নাপাছৎ।

জে : কুরাংকার হারৌ এ ? দাবদেছু বুলিয়া খুটা নাদবেতা  
বুলিয়ানা। তোরাং আহেদেছু ঔহানৌ তোর হাতে কপালে  
বুলবে।

ফা : জেলা এগরে ! চিকারী নাদি বুললুতা না। রিলিফর  
আটা দিতাই সাং বুলিয়া দিন এহান রইদহানাং বাসেয়া...

জে : রিলিফর আটা হানি পেয়া আনে মুয়াররগৈ মোরে না মারিং  
হুহিং অইলেতা। অ—বাবা ! কুরাং থায়া দেহরতা বাবা !

ফা : রিলিফর বাবু ঔতাতে তোর বাপক লকেই থাং ? জাঙাকগ  
নাহেয়া আছে বুলিয়া দিতাইতাতে। ঔতা বরাবালারকা, হারপেইলে।  
চিকারি নাদি, কান্দিহান আজি তোরাং বেলতৌ।

জে : অ—ইমা ! কুমেই চাউরিতা ইমা। অ—বাবা ! হারৌ  
অইলেতা বাবা !

ফা : দেখতে মারতু !

জে : ইইমা ! মেইল। জিংতা কর। কুরাংত গাঞ্জা পিয়া আয়া  
মান্নু মারানিরকা করেব। মণিপুরর তলফুতিহান বললু ঔগদেতে  
নাউ আছে।

ফা : চউল গুলি গাঙেদেৎত বিসারেইংগা ঔহানতে নেই,  
মণিপুরর তলফুতিহে মাগিরী।

জে : কতিও তারকা চউল এতা বানে বানে হাপেই বুজিয়া  
থদেছিতা ! গরে গরে নিদান। কুংগই কারে চেইতাইগ ? তি  
পারর নেই চেইক মাগিয়া আনগা বেনাই।

ফা : ঔহানিও মুয়াররগই কিতার মণিপুরর তলফুতি মাগৌরিতা ?  
আটার বস্তা আগতে পিদিং নাবুলিয়া।

জে : আটার বস্তাগ পেয়াও দেনার মাটিকহান নেই ঔগই...তোর  
ডেকি মুনিও মুনি থাং ? থু—উ !



ফা : অবাই কতিও হাতবুলা স্করানি মনাছৎতা। হারৌহানে  
থাইবে পথ নাপাছৎ।

জে : কুরাংকার হারৌ এ ? দাবদেছু বুলিয়া খুটা নাদবেতা  
বুলিয়ানা। তোরাং আহেদেছু ঔহানৌ তোর হাতে কপালে  
বুলবে।

ফা : জেলা এগরে ! চিকারী নাদি বুললুতা না। রিলিফর  
আটা দিতাই সাং বুলিয়া দিন এহান রইদহানাং বাসেয়া...

জে : রিলিফর আটা হানি পেয়া আনে মুয়াররগৈ মোরে না মারিং  
হুহিং অইলেতা। অ—বাবা ! কুরাং থায়া দেহরতা বাবা !

ফা : রিলিফর বাবু ঔতাতে তোর বাপক লকেই থাং ? জাঙাকগ  
নাহেয়া আছে বুলিয়া দিতাইতাতে। ঔতা বরাবালারকা, হারপেইলে।  
চিকারি নাদি, কান্দিহান আজি তোরাং বেলতৌ।

জে : অ—ইমা ! কুমেই চাউরিতা ইমা। অ—বাবা ! হারৌ  
অইলেতা বাবা !

ফা : দেখতে মারতু !

জে : ইইমা ! মেইল। জিংতা কর। কুরাংত গাঞ্জা পিয়া আয়া  
মান্নু মারানিরকা করেব। মণিপুরর তলফুতিহান বললু ঔগদেতে  
নাউ আছে।

ফা : চউল গুলি গাঙেদেৎত বিসারেইংগা ঔহানতে নেই,  
মণিপুরর তলফুতিহে মাগিরী।

জে : কতিও তারকা চউল এতা বানে বানে হাপেই বুজিয়া  
থদেছিতা ! গরে গরে নিদান। কুংগই কারে চেইতাইগ ? তি  
পারব নেই চেইক মাগিয়া আনগা বেনাই।

ফা : ঔহানিও মুয়াররগই কিতার মণিপুরর তলফুতি মাগৌরিতা ?  
আটার বস্তা আগতে পিদিং নাবুলিয়া।

জে : আটার বস্তাগ পেয়াও দেনার মাটিকহান নেই ঔগই...তোর  
ডেকি মুনিও মুনি থাং ? থু—উ !

২য় : জিনিষর দাম এতা কা যারগা এহান ! কিসাদে জিংতা  
অইতাঙাইতা !

৩য় : মুনিশৌ ঔগৈ চাকুরী আহান নাপেয়া থাইল । কিহান  
অইতৌতা ?

স্ব : দেশ । উন্নতি । বিশ্বশান্তি । দেশর সম্মান । তৃতীয় বিশ্ব ।  
মানবাধিকার । প্রিটোরিয়া । ইরাক-ইরান । পি. এল, ও ।  
নামিবিয়া । জাইরে । হুগুরাস । সালভাদোর । রেগন ।  
গরবাসভ । ইণ্ডিয়া ফেস্টিভেল । অলিম্পিক । চোম, নাম সম্মেলন ।  
অখণ্ডতা । প্রগতি । দেশরমা বক্তৃতা খেলা ভিডিও । রেডিও টিভির  
ট্যাক্স নেই । আমার মেইথং দিনহান চেই । হারৌ কুমেই ফুতি ।  
১ম : প্রভু না কিতা । প্রভুর বক্তৃতাহান ছনিক । ভকহান খানি  
পাহুরবাংতা ।

২য় : নুয়ারাপানি খানি পাহুরবাংতা ।

৩য় : হাওয়া নেই, নুন নেই, চাকুরী নেই ঔতা কিতা খানি  
পাহুরবাংতা । [ সূত্রধারগৈ বক্তৃতার ভঙ্গী করের ]

১ম : প্রভু ! আমি প্রভুরাং ছুখর যারি দিয়া লালৈলাং ।

২য় : প্রভু ! আমার নেই এহান প্রভুরে ছনুয়েইলাং । আমি  
জিংতা জিংতা নরকে পড়তাঙাই ।

৩য় : আমি লেইরা এতাই প্রভুরে হিনদিলাং । প্রভু ! আমারে  
চালকরে দিক ।

স্ব : তোমার হিন ছুখ হাবি পাহুরো, মোর সম্মান রক্ষা করো ।  
মোর সম্মান ঔহানহে তোমার মঙ্গলহান নাই । মোরে গজে  
কাকরো । মি গজে থাইম ঔহান তালকরো ।

১ম : [ শ্লোগানর সুরল ] জিংতা অনির উপায় করো ।

প্রভুর গুঞ্জা চেংক ধরো ॥

২য় ৩য় : চেংক ধরো চেংক ধরো ।

১ম : প্রভুর চিহ্ন ভোট দিক ।



২য় ওয় : ভোট দিক ভোট দিক ।

১ম : এতা চিহ্ন ভোট দিক ।

১মর স্নোগানহান লেহে ২য় বার ওয়র ভোট দিক ভোট দিক বুলানি

১ম : হোতা চিহ্ন ভোট দিক ।

১ম : বাই ঠেকেছু ছালিহে বেলা ।

১ম : উত্থরর কানে ফুল পিদানি ।

১ম : খুমকরানি জানলে বনা হিন নেই ।

১ম : এমারি বার্তন, বুলনে কীর্তন ।

১ম : গরে নেই চৌপাই গরাং চড়িয়া পালপাক বারিদেব ।

১ম : সাজৌয়ে রাস করানি গিদেইয়ে ধার দেনা ।

সূত্রধারগরে বুলে বুলে তাই কিতাই হাবির প্রস্থান

মালক বার ২য় ছাত্র ঔগর প্রবেশ

মা : বাবা ! মঙ্গল অয়া আইগা। পরীক্ষা দেনাং যারগা থাংতে  
এরে কবচ এগ পিদিয়া যাগা। এইগারাংত খুংতেই আহান দিয়া  
কোষ্ঠিহান চৌয়েয়া আনেছুগ। শনির দোষহান কাপবতা।  
মালকে কবচ ঔগ পিদা দিয়া দিক বন্ধন কাপে দিতে পুতকে নুঙেই নাইতৈ।

মালকর প্রস্থান ১ম ছাত্রর প্রবেশ

১ম : আরে ইয়ার, মহব্বৎ কি কসম, কালি তি বার সিনেমাং  
গেছিলেগা, না !

২য় : নেই ইয়ার ! ইমান ধরম মে বিশোয়াস রাখো ইয়ার ।

১ম : তিতে পরীক্ষা বুলিয়া বেছমগ লেরিক চেইলে পাউরি ?  
মিতে, হে সেইতা, সুপ নাচাছু ।

২য় : লেরিক গোলি মারো ইয়ার, হাম সিনেমামে লামেঙ্গে ।

১ম : হাম ভি লামেঙ্গে ।

২য় : সিনেমাং লামিংতে বুলর, গব্বর সিঙর পার্টহানতে দেনা  
পাররতা ?

১ম : তোরে হাত খুরুম হিকাদিয়া পাররতো । তি মোর লগে দিছ ।



[ অকরল ] কিতনে আদমী থে ? — তি হৌহান মাত ।

২য় : দো সদাঁর ।

১ম : তুম কিতনে থে ?

২য় : তিন ।

১ম : ফিরতি ওয়াপশ আয়ে । খালি হাথ । কিয়া সমঝকর  
আয়ে হো ? সদাঁর বহুত খুশ হোগা ? সাবাসি দেগা । কিউ !  
ইসকে সাজা মিলেগী । বরাবর মিলেগী । — কিতনে গোলিয়া ?

২য় : ছে সদাঁর ।

১ম : গোলিয়া ছে, আদমী তিন । বহুত বেইনসাকি হ্যায় ইয়ে ।

২য় : ঔরে পরীক্ষার ঘটগি পড়িল । মিতে পুরা প্রস্তুত অয়া  
আহেছুগ । [ পেটগৎ লেরিকহান দেহেইল ]

১ম : আরে মুকদ্দর কা সিকন্দর, হাম ভি লে লিয়া ।

পেটগৎ লেরিকহান দেহেইল

২য় : যিকগা হাট পরীক্ষাৎ ।

১ম : পরীক্ষাহান দেনাতে নাউ আহেরগ । ইমে গরে গুজুরতাই  
আরো দিতৌতা না । [ দ্বিয়র্গার প্রস্থান । বনকর প্রবেশ ]

ব : গিরিগিথানী । চাকুরী বিসারানিৎত হোটেল ইন্টারভিউ  
দেনাই ইজ্জু ! ইন্টারভিউ হান লেহে রুপা পাউরি । ইমা ! ইমা !  
এরে রুপা এতা থ । চৌল আনগা । মাছ আনগা । আজিতে  
কইদিন পিছেদ ছয়াৎ করে পেট বুজে বাত আকচারা খেইতাঙাই  
দিনহান । কিতা চাউরিতা ? মাগিয়া নাইগে । উদারি নাইগে ।  
কামেইর হক ।

মা : জয় রাধামাধব গিরক ! চাকুরী পেইলে থাং ইমা ?

ব : হাই, ইন্টারভিউ দেনার চাকুরী ।

মা : জয় শিব বাবা ! মানস করেছিলু গাঞ্জা ওতা কাতকরতৌ । জয়  
রাধামাধব গিরক ! মানস করেছিলু আরতিহান দিতৌ ।

মালক জিলকর প্রস্থান । সুদধারর প্রবেশ



সু : দিয়ার । কাম দিয়ার । বেকার সমস্যা দূরেই করিয়ার ।  
আমারে আকগইও দোষ দেনা ছুয়ারতাই । ঔতাউ আমার শত্রু  
ঔতাই আমারে বদনাম দিতারা । [ মানু তিনোগির প্রবেশ ]

১ম : হাওয়া ফুটি নাপেরা থাইলু ।

২য় : আটা খানি কিমে করানি ?

৩য় : মুনিশৌ ঔগর চাকুরী আহান নায়া থাইল । [ প্রস্থান ]

সু : টি ভি সেক্টার । আধুনিক যুগ । গাঙে গাঙে ভিডিও ।  
সস্তা দামে রেডিও । দিনহান খেলা একা কুমেই । হারৌ নারাই  
গিরি গিধানী ? আরতাউ হারৌ করবাংতা

[ এলা ] বরদেই বরদেই গিরি গিধানী । [ প্রস্থান ]

১ম ২য় ছা : ইয়াছ !

১ম : আউট !

১ম : সেধুরী !

১ম : গো—ও-ল । ওয়াল্ড কাপ ।

২য় : গো—ও-ল ! গোল্ড কাপ ।

১ম : সিনেমা ।

২য় : ভিডিও ।

১ম : ডিস্কো ।

২য় : ব্রেক ড্যান্স । [ দ্বিগীর প্রস্থান । মালকর প্রবেশ ]

মালক : কতিও কুয়াউলি দওয়াউলি এতা বেছতু ! কোনদিনো মরিয়া  
ওয়াই শাঙইতৌগ কিগই জানে ! [ প্রস্থান । বনকর প্রবেশ ]

ব : আপপানে চাকুরী বিসারেয়া হিনপেইলুতা । গিরিগিধানী ।

ইনকামর কতি মুঙেই পথ আগ পেইলুতা । [ প্রস্থান । সুত্রধর প্রবেশ ]

সু : যারিযৌ আকহান, কথাউ আকহান । মানু আটেল  
নাপেইতাইতা ! নায়ক নায়িকার মিলন আহান, বিয়া কিতা আহান  
দিলেহে দর্শক হাবি হারৌ অয়া গরে যিতাগা নাই । কইতে  
আগই কইনাগর বাপকগ, আগই বরগর বাপকগ অইতা ।



১ম : মি কইনাগর বাপকগ।

২য় : মি বরগর বাপকগ।

১ম : হাই আপনার লগে সামনি মনেয়া না!

২য় : হুহ্! স্প সাংসাপাহান নেই হে। কতিও ফাম এতা হমেইতা!

মুনিশৌ পাছুতাই আকগ। কইগরেতে সন্তুষ্ট করতু!

১ম : আপনার সাদে নাওজাদা মানু আগর পুতকগ, ঔতার গজে ডাঙর চাকুরী আহান করের, মানুহানতে অইতাই নাই! হানতে, মোর জিলক ঔগৌ— সাদে-বাদে, জাতে-কুলে, বিড়াই-লংজাই, কামে-ছুমে, বেবারে লামচেতে নারে-তালে, এলাই-নাছাই...

২য় : [ খামকরিয়া ] ঔতাতে হাবি কইনারতাউ আছে। আসল য়ারিহান দিক। মোর মুনিশৌ ঔগতে ডাঙর চাকুরী আহান করেরগ। তারতাউ লেংকা মারুপর মুঙে সম্মান আহান থনা নাই।

১ম : সম্মানতে পারিল মাটিকে থইতাঙাই নাই!

২য় : পারিল মাটিকে বুন্নেতে নার নাই। আজি কালি চলেছে চলহানতে য়াকরতে নাই। লেংকাই আয়া আজি কালি কইনাগ নাউ চেইতার। কিতা কিতা বার আনেছে ঔতাহে বিসারতার। ঔহানল সম্মানহান। নাইলে মাংতাই—‘তোর হৌরকতে লেইরাপাগ?’—চাকুরীর ফামে লাজ নাপেইতই?

১ম : হাই, লাজ নাপেইব্ ঔহান করতাঙাই নাই।

২য় : পালং, আলমারী, কলখেরি, ছনারুপা, ফিয়মফুতি ঔতাতে আছে তার আছে নাই। দে বুলুরিতা নাইগে। আজি কালিতে সোফা, টু-ইন-ওয়ান, টিভি, স্কুটার, দামানগ আইতই যিতইগা খরচ—এতা মামুলিতা অলকরেছি। হৌদিন আগই টাউনে ভিটা আগ দিং বুলল। [ ১ম হনতে হনতে মুছ্! অয়া পড়িল ] অহ্! এহানি ছানিয়া মুর বুলেয়া পড়লে তাতে! নিঙলর বিয়া দিতে ভিটাগ না বেছলে, উৎখারিগ নাইলেতে কি বিয়া হান!



স্ব : না! না! তোমার এহান নাইল। মিলন বুলতে তুমিতে  
জ্বাৰো ডাঙর বিপদ আহানাং বেলাদিলাই। [১মরে] কইতে  
উঠএ, তোরে বরগর বাপকগ দিয়া এহান বার আক্খুরম দিক।

১ম : মিতে এতা কিতা ঠিক নাপাউরিগ। শৌগর মালকে দিল  
লিষ্টি এহান পাকরিং। তেই মাংলতা আজি কালি এতা নাদলে  
চেইতে হবা নেই উনি। এতাতে মি অমাটিকৌ নাউ বুঝৌরি। তেই  
দিল লিষ্টিহান না। পাকরিং [নারগ সেংকরিয়া] ডাইনিং টেবিল,  
স্কুটার, টিভি, কিতা? হাই, পারলে ফ্রিজ আগ, বুয়ারলে না।  
মিতে কইনাগর বাপকরে চাপ দেনা না মনাউরি। ইমে মুনিশৌ  
ঔগ লেরিক তামকরতে বন্ধকে গেছেগা বি উহানি ছুটা দেনা।

২য় : তোর পুতকেতে কিতা বুলের?

১ম : মোর পুতক ঔগ আজিকালিকার শৌর সাদে চঞ্চলগ নাগই।  
ভক্তিহান হবা। হৌদিন মালকরে মাংল— 'মি ঔতা কিতা  
নাজানু। তুমি যেহান মনারাই ঔহানেই অইতই। ইমে মি  
মানুর মুঙে লাজ নাপেইং।'

২য় : নিঙল আগরাং এতা হাবি টিংকরলেতে বাকী ঔগিরেতে  
কিসাদে ঠাচা করতৌ?

১ম : ঔহানতে তি জানছ নাই। নিঙল বিয়া দেনা মনেইলেতে  
খা নাহেই খরচতে করতে নাই।

স্ব : না! তুমি মোরে নাটক এহান মিলনাস্তক করানি নাউ  
দিতারাই দেছুরিতা। সিনেমা থিয়েটারর সাদে হংকরা মিলন  
আহানৌ দেনা বুয়ারলাই; তোমারেল নাটক করতৌ বুলিয়া উবা  
অছুতা! [১ম ২য়র প্রস্থান] হাইদে! ঔহান অইলেতে নাটক  
এহানরে বিয়োগান্তকহান করিক বেনাই। [নেপথ্যদে] কইতে,  
তোমার বুয়ারাগতে মরিলতা? আর ডিল না করিয়ো বেনাই।  
শ্মশানে নিকগা। দর্শক আর কতি হিন পেইতা!

১মর প্রবেশ

১ম : সুয়ারাগতে মরিল। হানতে আমি ঔগ তুলানি নাউ  
পারতাঙাই। খানি পাংকরিয়ানে। হাবিয়ে তিলয়া আকসাটে  
শ্মশানে নিকসা।

সু : অহ্ ! মোরেউ নাটকহানিাং য়ৌকরলাই থাং !

প্রস্থান। সূত্রধারগই বার য়ান্ তিনগিলে মড়াগ লেম্পাল হানাং দিয়া আকগদে  
চমেন্না আকাক আকগদে প্রস্থান। ছাত্র গিরিগির ডিস্কো দিয়া দিয়া প্রবেশ

১ম : ইয়াহ

২য় : সিনেমা

১ম : ভিডিও

২য় : টিভি [ খাংতা ]

১ম : হেই ! কিগ থাং এমাটিক ডালছেতাতে ?

২য় : জি লাগেছে ডালহান, নাদেহর থাং ?

১ম : কিতার জিগ ?

২য় : শ্মশানর জিগ।

১ম : এবাকার মড়া ঔগ পুড়তারাতা ?

২য় : হাইয়ে ! আমি এপেই ঔগর মেইকেই করিক বেনাই !

১ম ২য় : ইয়াহ [ ডিস্কো দিয়া দিয়া প্রস্থান। সূত্রধারর প্রবেশ ]

সূত্র : গিরিগিথানী। নাটকহান লয়ইল। এবাকাতে ভরতরাক্য  
উচ্চারণ করিক [ সূত্রধারগই কিতাই ]

নেপথ্যে কোন্স

সরারেলভে রাজারো

লেইপাক পুঙৌ কইল।

লেইপাকে মারা মাখোডে

খৈমুয়ে জাঙাল দিলা।

খুমেলো মাটি ছকেইল

বরন দে দৌরাজা ॥

যবনিকা





THE  
LIFE  
OF  
THE  
LATE  
MR.  
JAMES  
H. HARRIS  
BY  
JAMES H. HARRIS  
JUNIOR  
WITH  
AN  
INTRODUCTION  
BY  
JAMES H. HARRIS  
JUNIOR  
NEW YORK  
1910



THE  
LIFE  
OF  
THE  
LATE  
MR.  
JAMES  
H. HARRIS  
BY  
JAMES H. HARRIS  
JUNIOR  
WITH  
AN  
INTRODUCTION  
BY  
JAMES H. HARRIS  
JUNIOR  
NEW YORK  
1910





ব্রজেন্দ্র কুমার সিংহ

ব্রজেন্দ্রকুমার সিংহ গিরকে ১৯৫৬ সালে 'সাজৌয়ে ধার দেনা' বুলিয়া নাটক আহান ইকরিয়া নাটক জগৎ এহানাৎ হমাছেগ। উতার পিছেকার নাটক-হান 'চক্রবর্ত্তি'—বিশ্বপ্রিয়া মনিপুরী ভাষাৎ পয়লা ছাপা আছে নাটকহান। নাটক দ্বিয়হানিউ মঞ্চ-সাকল্য পাছে। উতার পিছেদে মৌলিক নাটক ইকরিয়া, অনুবাদ করিয়া অভিনয় করিয়া, নির্দেশ দিয়া, মঞ্চস্থ করিয়া নিজর নাট্যপ্রীতিহান প্রকাশ করেছে। আধুনিক বিশ্বনাট্যধারার লগেও গিরকর গভীর পরিচয় আছে। ভারতী সংঘর নাট্যোৎসবে গিরকরে সম্বর্ধনা জ্ঞাপন করেছিল। রকতর সাক্ষর, কণ্ঠগিরো, ভবেন্ধর সাধু ঠাকুর, সিজা গিথানকর রকত, মেইকেই—এরে নাটক এহানির লগে রবীন্দ্রনাথর দুহান নাটক—লক্ষীর পরীক্ষা বার ডাকঘর অনুবাদ করেছে। উতারমা 'লক্ষীর পরীক্ষা' কতখুকম অভিনয় আইস। বিশ্বর আদি ট্র্যাজেডী গ্রীক নাটক সফোক্লিসর ইদিপাস অনুবাদ করিয়া আমাৰে বিশ্বনাট্যর লগে যুক্ত করে দিল। আধুনিক ধারাল 'মেইকেই' ইকরিয়া আমাৰ নাট্য সাহিত্যরে আধুনিকতার পর্যায়ে গিরক এগই আনে দিল। 'মেইকেই' বর্তমান ভারতবর্ষর যে কোন সমাজর ধ্বংস বার অবক্ষয়র দর্পণহান। এরে নাটক এহান আমাৰ মেংশেলহান। এহানাৎ নিজর মেইথংহান দেহিয়ার।

সন্ধ্যা সিংহ

পূর্ণিমা লেইরিক লেইসাং

“ব্রজেন্দ্র কবিতা উতাউ  
কবিতা থাং। ব্রজেন্দ্রউ  
কিতা কবি আগ।”

এতাও কান নাহি।

রবীন্দ্রনাথ, শরৎ চন্দ্র,  
শ্রেনীনাথচন্দ্র, শ্রীনাথচন্দ্র  
সেক্সপীয়ার, আগ চরিত্র  
বন্দ না দেহি। এতা  
এসিও টেফ। জোবেখাচী  
জুমা হুওকর তাই।

সংগীত সঙ্গীতর জুতা  
শ্রীকৃষ্ণর গুন জনম থাই  
কিংগটো না হাবগেইলা।  
মেইকর এহাও এতকা  
পূজা দিতারা। কথা  
কথায় কথকৃষ্ণ বুলতারা।  
স্বাতিকর লেহা লেইয়াব।

ব্রজেন্দ্রকুমার সিংহ  
১৮শে জানুয়ারি ১৯৫৭



পূর্ণিমা লেইরিক লেইসাং,  
জ্যোতিনগর, গুৱাহাটী-২১